

永樂大典

228565



卷〇三九五二 神字

卷〇三九五三 神字

卷〇三九五四 神字

卷〇三九五五 神字等



永樂大典卷之二千九百五十三 九真

神

太上飛行九神玉經

一名金蘭內文太上大道君告北極真公曰吾昔遊於北天策

駕廣寒足踐華蓋手排九元逸景雲宮遊戲北玄道遙朝陰之館賞于洞
毫之門眇璇璣以召運促刻會以俾輪數萬物之凋衰俯天地而長存乃
覺九星之奇妙悟斗魁之至靈也夫九星者實九天之靈根日月之明梁
萬品之淵宗也故天有九氣則以九星為其靈紐地有九州則以九星為
其神主人有九氣以九星為其命府陰陽九宮則以九星為其門戶五
嶽四海則以九星為其淵府五九參列綱維無窮制御天宿迴轉三辰調
理四五致天地得存萬品之所宗神仙之所憑夫天無九星則無以為高
清地無九星則無以為至靈人無九星則九孔不明上帝兼之以通真神
仙憑之以得成五行乘之以致度萬物稟之以得生也天清地靜則九星
煥明天澈地否則九星翳昏璇璣召劫度之期天關運五行之氣輪空洞

清左右位。御行太清之道。出則五帝侍衛。給玉童玉女各八百人。建五色之節。駕龍輿飛烟。前嘯九鳳。後吹八鸞。白虬啓道。太極參軒。故真中有高卑。玄中有階。吹也。玉清之道。玄遠絕邀。不比中真及飛仙之徒。九星上法。玄映之道。吾昔受之於元始。于今七億萬劫。經天地成敗。萬品衰滅。而其道獨存。今猶修之於雲景之上。而不能忘之於時節者。意玩此道高妙。愛樂夫人接遇也。況來生始學飛晏之舉。而不知幽尋步空之法。何由得披重霄之門。觀天地之始終乎。既無此道。與九晨異域。夫人絕遊也。徒有玄名。帝錄超卓高騰。正可得策駕雲龍。遊眇五嶽。但不死而已。如此望踐斗魁。旋步華晨。騰景玉清。當未有期也。于方當匡御。刳運封掌。十天科簡。玄錄理判神仙。宜受此法。以綜萬生。今出相付子。秘而修焉。九晨真人曰。行飛步之道。先一日沐浴齋淨。是日於中庭布星圖。隨斗建也。北向長跪。燒香於玄冥星下。叩三十六通。閉眼存。歲星在左。脇太白星在右。脇熒惑星在頭上。辰星在臍下。鎮星在心。次覆衣九星。先舉左手。屈於頭上。如斗勢。存陽明星在左手掌中。陰精星在左肘上。真人星在左乳上。玄冥星當心。故燒香於玄冥星下。而存事固心。而應天明也。丹元星在右脛上。北極星在右膝頭上。天關星在右足脛上。輔星在臍下。獨星在頭上。畢微呪。

曰。衣天斗戴金巾乘魁星入斗門朝真人拜華晨二十八宿覆絡我身乘
空步虛飛升自然畢咽氣九過止次舉右手如斗勢臨頭上存陽明還右
手掌中陰精星右肘上真人星在右乳上玄冥星當心上丹元星在左脰
上北極星在左膝頭上天闕星在左足脰上獨星在左目上輔星在右目
上畢微呪曰。我。畢步九元履斗魁行飛仙得天心萬神懷隱形藏景
變化萬端敢有干試收繫斗門掃除不祥正真明分左煥火鈴右輝靈幡
威光萬里嘯命立前玉帝所呪靡不如言畢咽氣十六通止次乘斗旋
行斗星之外步斗魂魂從天樞星上對陽明次登天璇天機以次周於隱
元往反三過畢於隱元星上歌三洞飛空章而登陽明也便立思夫人形
像如左也第一天樞星則陽明星之魂神也天樞星威而不耀光而不照
潛洞太虛圓九百二十里對陽明星之西北門其星則號元斗宮魁精玄
上真皇夫人姓明通諱覺玄真名上精頭建飛雲華顏之髻餘髮散至腰
衣紫黃青三色之褊帶九鈴之綬口恒吐青氣之光以注於陽明星上以
明星之煥也修飛步之道當思夫人姓諱形像然後呪則魂神澄正明星
懽悅天光洞映使魂影俱飛登晨也并足上天樞星上對陽明星左手撫
心右手指陽明星叩齒九通咽液九過閉氣三息而微呪曰天妃九星遊

氣結具七曜經絡號曰玉晨上建華蓋下躡斗魁身乘天機飛步瓊軒魂
精龜靈與形合仙保元日月天地長存隨運變化夫人齊連上升九天浮
景自然畢閉氣三息次左足躡天旋進右足與左足并通氣 第二天璇
星則陰精星之鬼神也天璇星景而遠映照而不煥潛洞太虛圍五百五
十里對陰精星之西門其星則號玄斗宮虛精上玄皇夫人姓玄鏡諱鬱
勃光真名金歸頭建飛雲華顏之髻餘髮散玉腰衣飛錦羅裳鳳文錦帔
帶靈飛紫綬口恒吐黑氣之光以注於陰精星上以明星之暉曜也修飛
步之道當思夫人姓諱形像并足上天璇星上對陰精星左手撫心右手
指陰精星叩齒九通咽液九過閉氣九息而微呪曰北玄皇靈九上開清
玉華潛煥緯絡紫庭今日飛步萬道通明魂靈澄正安附我形無使飛翔
同升北星上翕玄精飲以玉泉變化九微保命天靈畢閉氣三息次進左
足躡天璇星次右足來并通氣 第三天機星則真人星之鬼神也天機
星猛而不顯暉而不耀潛洞太虛圍七百七十里對真人星之東南門也
其星則號上精宮靈妃元皇夫人姓常明諱化雲真名流耀頭建晨嬰寶
冠衣飛雲明光錦襦帶六山飛晨之綬口恒吐黃氣之精以注真人星上
以明星之曜也修飛步之道當思夫人姓諱形像并足上天機星上對真

人星右手撫心左手指真人星叩齒九通咽液九過閉氣十二息而微呪
曰靈妃元皇九星中真上理璣度總監諸天下試群方遊景紫烟是日上
吉皇道敷陳潤流九外曲灑我身飛行羽步上入帝晨與皇同眉永享劫
年畢閉氣三息退左足躡天權星進右足與左足并通氣 第四天權
星則玄冥星之宮也天權星微而隱隱而洞映潛煥太虛圍八百里對
玄冥星之東門也其星則號綱極宮上靈神妃華皇夫人姓閻生諱運明
真名嬰蘭頭建七稱之冠衣緋羅鳳文之褕帶金真玉光口恒吐赤氣之
精以注玄冥星上以明星之煥曜也修飛步之道當思夫人姓諱形像并
足上天權星上對玄冥右手撫心左手指玄冥叩齒九通咽液三過閉氣
三息而微呪曰神妃上靈號曰華皇安鎮華蓋北上之宮左侍玉女右衛
靈童道引七精九輝之光為我致真飛步天罡使我龜龜俱升帝堂畢閉
氣三息次進左足躡玉衡星進右足與左足并通氣 第五玉衡星則丹元
星之龜靈也玉衡星大而黑踴而不煥潛洞太虛圍七百二十里對丹元
星東北門也其星則號紀明宮北上金蓋中皇夫人姓元方諱神武真名
勃頭建紫晨飛華之冠衣九色之褕帶神虎玉文口恒吐白氣之光以注
丹元星上以明星之輝也修飛步之道當思夫人姓諱形像并足上玉衡

星上對丹元星右手撫心左手指丹元叩齒三通咽液三過便閉氣三息而微呪曰皇華中妃上元所居九斗吐暉精煥八嵎流煙鬱勃散靈朱蘆使我魄靈天地同符形魂俱升駕空策虛玉光纏絡丹輶紫輿飛行北上參受隱書畢閉氣三息次進左足躡閭陽星進右足與左足并通氣 第六閭陽星則北極星之魄靈也閭陽星朗而潛照暉而不煥洞微太虛闔七百七十里對北極之下開北洞之門也其星則號紫極宮安上晨華元皇夫人姓王元諱根華真名寘會頭建王晨進賢之元衣飛青羽襦帶流金火鈴口恒吐綠氣之精以注北極星上以明星之曜暉也修飛步之道當思夫人姓諱形像并足上閭陽星上對北極星而左手撫心右手指北極叩齒三通咽液五過閉氣五息而微呪曰九天上帝黃華之宗運轉璇璣總輪八方使飛步躡紀天綱反覆交并三五縱橫通靈八微羽衣玄黃龍興玉景飛空長享眉壽天地同切畢閉氣五息次左足躡瑤光星進右足并通氣 第七瑤光星則天關星之魄太明也瑤光星則光轉空洞迴旋天闕也潛煥太虛闔九百里上對天關星之南門下對北極星也其星則號運天宮玉華靈皇夫人姓度元諱終會真名啓光頭建飛華顏雲之髻餘髮散至腰衣七色夜光雲錦之帟九色錦帔九天威靈玉策

口恒吐赤氣之精注天關星上以明星之大光也修飛步之道當思夫人姓諱形像并足上瑤光星上對天關星而左手撫心右手指天關叩齒九通咽液九過閉氣三息而微呪曰天地迴轉七光大明旋輪九氣上應王清中有夫人號靈玄映九卜無毫生是曰良吉飛步紫庭使我魂魄安附身形變

出幽入冥

地同輪萬劫不傾保仙上元九晨齊

精華閉氣七息

左足躡

洞明星則光冠諸人

輪上宿流暢太虛圍九百九十里

之魂精陽

也洞明星則光冠諸人輪上宿流暢太虛圍九百九十里

上對輔星西南門也在天門之上梁北極之陽芒也其星則號空真宮太

明常皇夫人姓幽昇諱無龍真名空變頭建飛雲華顏之髻餘髮散至腰

永飛羅

帶九光之綬口恒吐青氣之精注於其上以常陽大光

也修飛步之道當思夫人姓諱形像并足上洞明星上對輔星而右手撫

心左手指輔星叩齒九通咽液九過閉氣三息而微呪曰三五飛行天地

開張九元迴網合紐上京天真散靈萬道溢昌夫人曲映是

斗魁旋行玉網頭戴華蓋足履常陽遊戲三清變化萬方保仙自然享壽

無窮畢閉氣十二息次左足躡隱元星進右足并通氣

九隱元星則

洞星之龜明空也隱元星則隱息華蓋之下潛光曜於空洞之中

九